

# Ulluunerani paaqqinnittarfiit pilersinnejartarnerat atoruminarsagaanerallu taamatullu suleqatigiinnik pilersitsisarneq pillugit Namminersorlutik Oqartussat nalunaarutaat

Meeqqanut suli atualinngitsunut perorsaanikkut inerikkiartuutasunik ulluunerani neqeroorutit pillugit Inatsisartut inatsisaat nr. 16, 3. december 2012-imeersumi § 6, imm. 3 aamma § 12, imm. 3 naapertorlugit aalajangersarneqarpoq:

## Kapitali 1

*Ulluunerani paaqqinnittarfinnik pilersitsineq atoruminarsaanerlu*

*Ulluunerani paaqqinnittarfinnik pilersitsinermut pisatsernermullu nalinginnaasumik aalajangersakkat*

**§ 1.** Ulluunerani paaqqinnittarfiit perorsaanermut, inooqatigiinnermut paarsinermullu tunngatillugu siunertat aallaavigalugit pilersinneqassapput atoruminarsarneqarlutillu aamma timikkut, eqqarsartaatsikkut najoruminassutsikkullu meeqqat avatangiisaasa, meeqqap ingerlalluarneranut, peqqissusianut, ineriartorneranut ilikkariartorneranullu siuarsataasut, pilersinnejarnissaat siunertaralugu.

*Imm. 2.* Ulluunerani paaqqinnittarfiup atortulersuutitigut meeqqat misigisaqarsinnaanerisa, pinnguarsiinnaanerisa, itisilerisinnaanerisa, misigisassarsiorsinnaanerisa suliaqarsinnaanerisalu, meeqqat takorluuisinnaanerannut isumassarsiorsinnaanerannullu kajumilersitseqataasut, qulakkeerneqarnissaat siunertaralugu tulluarsarneqassapput aamma meeqqat inooqataanermennik nalinginnaasumillu piginnaasaqarnerminnik annertusaasinnaanerannut timikkullu piumassuseqarlutik ineriartorsinnaanerannut tapersersuutaallutik.

*Imm. 3.* Ulluunerani paaqqinnittarfiit, taamatuttaaq pinnguartarfittaat, atortussianik peqqissutsimut ajoquisiisinnaasutut ilisimaneqartunik atuilluni pilersinneqassangillat.

*Imm. 4.* Ulluunerani paaqqinnittarfiup atortulersuutai imatut ilusilersorneqarsimassapput meeqqat ukiuinut ineriartornerannullu tunngatillugu ataasiakkaat eqqaamaneqarlutik, takuuuk Meeqqanut suli atualinngitsunut perorsaanikkut inerikkiartuutasunik ulluunerani neqeroorutit pillugit Inatsisartut inatsisaanni § 11.

*Imm. 5.* Sananeqaatitigut atortulersuutit atorsinnaassusiannik naliliinermi pingartinneqassaaq init meeqqat isersimaffigisartagaat, eqqiluisaarnikkut pissutsit silamilu pinnguarnermut periarfissat

atortulersuutillu isumannaatsuussammata taamatuttaaq peqqissutsimut tunngatillugu siunertamullu naleqquuttuunissaannut tunngatillugu.

**§ 2. Ulloq unnuarlu paaqqinniffik qaqqugukkulluunniit sanaartornermut qatserisartoqarfimmit oqartussaasunit Sullivinnillu Nakkutillisoqarfimmit akuerineqarsinnaasumik ilusilersorneqarsimassaaq.**

*Ulluunerani paaqqinnittarfinnik inissiisarneq*

**§ 3. Ulluunerani paaqqinnittarfiit nunami meeqqat ulorianartorsioratik sammisaqarnissaannut akornuteqaratillu pinnguarnissaannut periarfissalimmi inissinneqartassapput.**

*Imm. 2. Ulluunerani paaqqinnittarfiit suliffeqarfuit nipiliortut, pujoralatsitsisut silaannarmilluunniit mingutsitsisut imaluunniit innaallagissap aqqutaanik qulimiulinni inissinneqartassangillat.*

*Imm. 3. Ulluunerani paaqqinnittarfinnik inissiinermi sanilerisaat mianerineqartassapput, taamaalillutik taakku ulluunerani paaqqinnittarfimmilu pinnguartarfimmilu pisartunik pisariaqanngitsumik akornusersorneqartassanngimmata.*

*Ulloq unnuarlu paaqqinnittarfit tulluarsagaaneri pillugit aalajangersakkat*

**§ 4. Ulluunerani paaqqinnittarfinnik tulluarsaanermut atatillugu piumasaqaatit uku naammassineqarsimassapput:**

- 1) Ulluunerani paaqqinnittarfiup tamakkerluni angissusia minnerpaamik ulluunerani paaqqinnittarfimmii inissamut ataatsimut 6 kvadratmeteriuissaq.
- 2) Susassaqtitsiviit tassaasut ulluunerani paaqqinnittarfiup ataatsimoortukkaanut initaasa, ataatsimoortarfiata aamma suliaqtitsinermut sammisassaqtitsinermullu initaasa angissusiat minnerpaamik ulluunerani paaqqinnittarfimmii inissamut ataatsimut 4 kvadratmeteriuissaq.
- 3) Angissusiata ilaa tassaasoq ataatsimoortarfimmii naqqup atorneqarsinnaasup angissusia meeqqanut pingasunik ukioqalereersimasunut minnerpaamik ulluunerani paaqqinnittarfimmii inissamut ataatsimut 2 kvadratmeteriuissaq meeqqanullu pingasunik ukioqalersimanngitsunut 3 kvadratmeteriuussalluni.
- 4) Ulluunerani paaqqinnittarfiup igaffia minnerpaamik 12 kvadratmeteriuissaq igaffimilu nerriviit akileriit imminnut ungassisusiat minnerpaamik 1,8 meteriuussalluni.
- 5) Pingaarnertut isertarfia paarleqassaaq angajoqqaat kamippaasa meeqqanik tunniussinermut aallernerullu atatillugu inissinneqarfingisinnasaannik.
- 6) Torsuusat minnerpaamik 1,6 meterinik silissuseqassapput.
- 7) Matut minnerpaamik 0,9 meterinik atitutigissapput ajornanngitsumik appakaaffigineqarsinnaanerat 0,77 meterinik silissuseqarluni.
- 8) Inini igalaaqanngitsuni matut matuersaatinik atuinngikkaluarluni ammarneqarsinnaassapput.
- 9) Tummeqqat portoqatigiinngiartunuk tummerartaqassangillat.
- 10) Tummeqqat sinaakkutaasa tigummiviat nalinginnaasumik aalajangersimaneranut ilanngullugu meeqqat 0,6 meterinik angissusiani tigummivittaqassaaq.
- 11) Tummeqqat majuartarfinni atertarfinnilu tummeqqanut ungaluusanik isumannaallisaatitaqassapput.
- 12) Aneerasaartarfuit ungalui 1,2 meterinik minnerpaamik portussuseqassapput, taamaalilluni meeqqat qallorsinnaassanngimmata imaluunniit tummeqqat napasuisa akornisigut anillassinnaassanngimmata.

Tummeqqap napasuisa imminnut ungassisusiat 89 mm. qaangissanngilaa.

- 13) Igalaaqarfit igalaallu natermiit 0,6 meterinik qaffasisusilerlugin inissinneqassapput.
- 14) Nangilersuisarfit tamarmik igalaaqassapput.
- 15) Anartarfut initaat ataatsimoortarfinniit sammisassaqtitsivinniillu toqqaannartumik iserfigineqarsinnaassanngillat.
- 16) Ulluunerani paaqqinnittarfik naleqqussarneqassaaq inunnut innarluutilinnut immikkut iliuuseqaqqaanngikaluarluni tigusisinnaanngorlugu.
- 17) Illup silataani iseriartortarfipu portoqataani matunut isertarfinnut illullu initaani allerni immikkoortortaqarfinnut peqarsimappallu elevatorinut isersinnaasoqassaaq.
- 18) Ulluunerani paaqqinnittarfik imatut naleqqussarneqarsimassaaq meeqqap timaanik passussinissamut periaatsit meeqqap namminiussutsimnik pisariaqtitsineranut, aamma sapinngisaq tamakkerlugu isumannaatsuunissamut toqqisisimanissamullu naapertuuttunngorlugu, taamatuttaaq ulluunerani paaqqinnittarfimmi kinguaassiuutitigut innarliisinjaanernut pinngitsaaliiisinnaanernulluunniit tunngatillugu.

**§ 5. Piumasaqaatit § 4-mi taaneqartut saniatigut ulluunerani paaqqinnittarfimmi pigineqassapput:**

- 1) Meeqqat atisaajartarfiat meeqqanut atasiakkaanut tamanut immikkut atisanut inissiivissartalik.
- 2) Atisaajartarfipu qanittuani atisanik panersiisinnaanermut periarfissaq.
- 3) Ulluunerani paaqqinnittarfimmi inissanut 40-nut minnerpaamik innarluutilinnut anartarfik ataaseq.
- 4) Ulluunerani paaqqinnittarfimmi inissanut qulinut minnerpaamik meeqqat anartarfiat ataaseq iluaniit mapperuminartunik matulik, tak. § 6, imm. 1.
- 5) Init qasuersertarfut kiassakkat imaluunniit oqorsaasersukkat minnerpaamik 12 kvadratmeterinik angissusillit qasuersarfissallit ulluunerani paaqqinnittarfinni meeqqanik arfinilinnik ukioqalersimanngitsunik tigusisartuni paaqqinnittarfipu akuerisaasumik inissaqartitaasa pingajorarterutaannik amerlassusillit.
- 6) Minnerpaamik ini errorsisarfik ataaseq errorsissutilik panersiivilillu parnaarneqarsinnaasoq.
- 7) Kuutsitsiffiusinnaasoq bruserimik anartarfimmi qanittuaniluunniit.
- 8) Toqqorsivik meeqqanut ineqatigiaanut tamanut 3 kvadratmeterit missaannik angissusilik.
- 9) Nangilersuisarfik ineqatigiinnut asattarfilik, ulluunerani paaqqinnittarfinni meeqqanik pingasunik ukioqalersimanngitsunik tigusisartunik, tak. § 6, imm. 24.
- 10) Anartarfut ineerartaat immikkoortut matullit ulluunerani paaqqinnittarfinni meeqqanik arfinilinnik ukioqalereersimasunik tigusisartuni.
- 11) Nerisassaasivik minnerpaamik ineqatigiinnut 2 kvadratmeterinik angissusilik.
- 12) Eqqiaanermut atortunut eqqiaanermullu atortulersuutinut toqqorsivik parnaarneqarsinnaasoq.
- 13) Nillataartitsivinnut qerititsivinnullu inissiivik.
- 14) Aneerussivinnut, cyklinut qamutinullu inissiivik.
- 15) Allaffinnut sulisunullu atortulersuutit.
- 16) Pinnguartarfefqartitsineq, tak. § 7, imm. 3, minnerpaamik ulluunerani paaqqinnittarfimmi inissamut 10 kvadratmeteri.
- 17) Pinngussat ukioqatigiaanut pineqartunut akuerisaasut.

**§ 6.** Meeraaqeriviit tulluarsarneqassapput mikisunik anartarfilerlugit asattarfit asannermulluunniit kuugaartitsiviit pukkitsumut inissillugit. Meeqeriviit aamma assigiinngitsunik ukiulinnut ulluunerani paaqqinnittarfit meeraqatigiinnut inersimasunut angissusilimmik minnerpaamik ataatsimik anartarfilerlugit tulluarsarneqassapput.

*Imm. 2.* Meeraaqjanik passussesarfiit meeqqat pinnguartarfinit nerisarfiinillu immikkoortinnejarsimassapput naammattumillu periarfissalerlugit tulluarsarneqassallutik tassa suulluunniit pisariaqartinneqartut tigoriaannanngorlugit. Meeraaqjanik passussesarfiit portussusiat naleqqussarnejarsinnaassaaq meeqqat qullartittaataanut appartitaataanulluunniit anngussinnaatinngag, tak. § 12, imm. 2.

#### *Illup silataaniittut pillugit immikkut*

**§ 7.** Ulluunerani paaqqinnittarfiup silataa illuaqqamik silami pinnguarnermut atortut inissismavissaannik atortulernejarsimassaaq.

*Imm. 2.* Illup silataa naatsiiviliinissamut imaluunniit aalisakkanik nivinngaatiterinissamut periarfissalerlugu tulluarsarsimassaaq.

*Imm. 3.* Illup silataa pinnguarfissalerlugu iluarsineqarsimassaaq,  
1) pinngortitap eqqaaniittup ilaautut iluarsartuullugu,  
2) imatut angitigisunngorlugu meeraqatigiaat tamarmik ataatsikkut tassaniissinnaanngorlugit  
3) isumannaatsumik ungaluugalersimassalluni,  
4) atortulersugaassalluni meeqqat amerlasuut ataatsikkut pinnguaqatigiissinnaanngorlugit aamma  
5) atortulersugaassalluni meeqqat nukersorsinnaassusiannut unammillernartunik.

*Imm. 4.* Ungalup napasuisa pinnguarfissamiittullu imminnut ungasissusiat 89 mm. qaangissanngila.

#### *Illup iluani avatangiisit pillugit immikkut*

**§ 8.** Sammisassaqartitsiviit, tak. § 4, imm. 1, nr. 2, portoqatigiittumiissapput quasattoornanngitsunillu natilerlugit tulluarsarnejarsimassallutik.

**§ 9.** Meeraqatigiaanut tamanut inimik qasuersertarfekassaaq, meeqqat qasuerserfigisinnaasaat. Ini qasuerserfittut atorneqanngikkaangat meeraqatigiit sammisassaqartinnerinut annikinnerusunut atorneqarsinnaassaaq, .inissismavittulli soorlu aneerussivinnut atorneqassanngilaq.

*Imm. 2.* Meeraqatigiit inaat tamarmik asattarfilerlugit atisaajartarfilerlugillu tulluarsarnejarsimassapput minnerpaamik meeqqamut ataatsimut ilisivittalerlugit.

**§ 10.** Ini sammisassaqartitsivik meeraqatigiinnut tamanut ataatsimoorussaassaaq tulluarsarnejarsimassallunilu timigissarnermut nukersornermullu atorneqartarnissaa siunertaralugu.

*Imm. 2.* Inimut sammisassaqartitsivimmut atasumik atortunik inissisarnermut inimik torsiveqartitsisoqassaaq.

*Imm. 3.* Ini sammisassaqartitsivik illup qeqqanut inissinneqassanngilaq pisariaqanngitsumik aqqtigineqartarnissaata pinngitsoortinneqarnissaa siunertaralugu.

**§ 11.** Ulluunerani paaqqinnittarfiup initai nipikillisaatitalerlugit tulluarsarneqarsimassapput ukuninnga atortoqarluni

- 1) qilaat nipikillisaatillit,
- 2) naqqit tummaarpalutsitsinngitsut,
- 3) iikkat nipikillisaatillit, aamma
- 4) issiaviit nipikillisaatillit, tiitorfit aamma puuguttat.

*Imm. 2. Illu iluani qaammaqqutit inimi qasuersertarfimmi sakkukillisinneqarsinnaassapput inillu seqinermut alanngiffiligaassapput sakkortungitsunillu qalipaatilinnik qalipanneqarsimallutik.*

**§ 12.** Ulluunerani paaqqinnittarfik peqtilersorlugu tulluarsarneqarsimassaaq taamatullu nerriveqarluni, issiaveqarluni meeraaqqanillu passussesarfeqarluni atuisunut naleqqussarnissaat siunertaralugu naleqqussarneqarsinnaasunik.

*Imm. 2. Nerriviit portulineqarsinnaasut pukkilineqarsinnaasullu atortorissaarutinik isumannaallisaatitaqassapput meeqqat attorsinnaanngisaannik.*

*Imm. 3. Peqtit eqqiaruminartunik ilusilersonlugin sananeqarsimassapput atortorineqartullu asanneqarsinnaassallutik imaluunniit ulluinnarni qaavi pujoralajarneqarsinnaassallutik.*

## Kapitali 2

### Suleqatigiinnik pilersitsisarneq

**§ 13.** Kommunalbestyrelsi suleqatigiit meeqqanut ataasiakkaanut sammitinneqartut akornanni ataqtigiaissaakkamik suleqatigiinnissaat qulakteerniarlugu pisariaqartitsisoqartillugu suleqatigiinnik pilersitsisassapput.

*Imm. 2. Suleqatigiit inuttarissavaat pisortat ingerlatsivii assigiinngitsut ataasiakkaat akimorlugit meeqqanik ataasiakkaanik sulinermut toqqaannartumik peqataasut. Taakkuusinnaapput sulianik suliarinnittartut, inuit tapersersortajunnartut, meeqqerisut, peqqissaasut, nakorsat, kigutit nakorsaat, kigutigissaasut, tarnip pissusaanik ilinniarsimasut, pillorissaasut aamma timimik sungiusaasut, inuussutissalerineremi ilinniarsimasut, meeqqamut ilinniartitsisunngortussat, perorsaasut,inunniq isumaginninnermi siunnersortit aamma inuit sulianik aalajangersimasunik suliallit, suliamut tunngatillugu ilisimasaqnerat pisariaqartinneqassappat meeqqap pisariaqartinneqartutut tapersorsorneqarnissaa eqqarsaatigalugu.*

**§ 14.** Kommunalbestyrelsip suleqatigiinnik pilersitsisoqartariaqarneranik nalilersuinermini pingaartissavaa meeraq

- 1) angerlarsimaffimmini toqqisisimannginnersoq,
- 2) angerlarsimaffimmini inuuniarnikkut ajornartorsiuteqarnersoq imaluunniit
- 3) immikkut ilisimasalinnik ikiorneqarnissaminik immikkut pisariaqartitsinnersoq assersuutigalugu atuarniarnermini allanniarnerminilu ajornartorsiuteqarnermi, ADHD-p, timikkut innarluuteqarnermi imaluunniit sumiginnagaanermi kingunerisaannik.

**§ 15.** Suleqatigiit meeqqap pisariaqartitaasa sulissutigineqartarnissaat malillugu naapeqatigiittassapput.

*Imm. 2. Suleqatigiit meeqqap tapersorsorneqarnissamik pisariaqartitsinerata paasineqarneraniit*

meeqqap immikkut tapersorsorneqarnissamik pisariaqartitsinerata pisariaarunnissaata tungaanut ingerlasassapput.

*Imm. 3. Suleqatigiit susassaqarfít akimorlugit suleqatigiinnerminnut atatillugu attaveqatigiittut naapeqatigiittassapput, tamatumani lu meeqqap angajoqqaatut oqartussaasui imaluunniit pilersuisuusut peqataatillugit, meeqqanut ataasiakkaanut siusissukkut iliuuseqarnissaq siunertaralugu.*

### **Kapitali 3**

*Atuutilerfia*

**§ 16.** Nalunaarut manna atuutilerpoq ulloq 1. oktober 2020.

*Namminersorlutik Oqartussat, ulloq 24. september 2020*

Karl Frederik Danielsen

/

Karsten Peter Jensen

**Namminersorlutik Oqartussat**

Imaneq 4

3900 Nuuk

E-mail: nsninatsit@nanoq.gl

Linkit iluaquataasussat

Kalaallit Nunaanni inatsisinut nalunaarutit

Namminersorlutik Oqartussat inatsisinut toqqorsiviát

Naalakkersuisut